

بيدك نزعَت السهم لمثلث الميشوم
ونأتك اتقاصرت يحسين يا مظلوم
كلبك غيمه امطرت دمك يزخ سيال

عطشان يبن النبي يا مُكرم الوقاد
ما تترتوي امن الضما كلبك جمر وگاد
ثغرك يگطر دما وترتل الأوراد

من الخيل لمن طحت
لبيك ربي صحت
ابمسجدك سبحت
دمع الرجاء ينهال

تتعقر ابمصرعك يا خامس اهل العبا
طرفك تديره ابوجل بين السما والخبأ
خوفك على العايله عندك خبر بالسبا

تشكي الأمر للجليل
أختك بايا كليل
ما عدها غير العليل
تحمي حرم واطفال

يحسين چم من جرح ابجسمك ايأذيك
ابن الضبابي عدو ما حن ولا ايراعيك
ابرجله وسفه ارفسك لن اختلفك تناديك

متمدد ابمذبحك
نار الضما تجرحك
بالسيف هم يذبك
صدرك وطا ابلنعال

بيده قبض شيبتك ما هاب من نظرتك
بآخر رمق تبتهل شع نور من غرتك
كب وجهك اعلى الثرى ولملاك ابضرتك

حير فكرها الأمر
مذهوله من هالصبر
للنصره جت تنتظر
رخصه طلب ميكال

حز نحرک من الكفا ابسيفه فرى الأوداج
صايحه اعتلت بالسما عرش الله لجلك ماج
فيض الدما ينهمر مثل الشمس وهّاج

بين الأرض والسما
دمع المحاجر همى
الدنيا تمطر دما
ركن العوالم مال

يم جئتك فاطمه تبجي معاها الحور
منهو اذبحك تسالك آيبنى المنحور
تتلفت اعلى الترب وين اصبع المبتور

أمك چبدها انمرد
مرميه فوگ الجسد
روعها فگد الولد
يمگطع الأوصال

تسفي ريح الصبا عل شيبك المخضوب
راس يشيله الرمح وهذا الجسم مسلوب
عاري بليا دفن فوگ الثرى مگلوب

ضاعن بنات الخدر
من رد اليها المهر
گامن فزع ليسر
صبن دمع همال